

На Господи возвах, глас 2:

Приидите, возрадуемся Господеви, настоящую тайну сказующе: / средостение градежа разрушися, / пламенное оружие плещи даёт, / и херувим отступает от древа жизни, / и аз райския пищи причащаюся, / от негоже произгнан бых преслушания ради; / неизменный бо Образ Отечь, / Образ присносущия Его, / зрак раба приёмлет, / от Неискусобрачныя Матере прошед, / не преложение претерпев, / еже бо бже пребысть, Бог Сый истинен, / и еже не бже прият, Человек бив человеколюбия ради. / Тому возопийм: // рождейся от Девы Бже, помилуй нас.

Господу Иисусу рождшуся от Святыя Девы, / просветишася всяческая: / пастырем бо свиряющим и волхвом покланяющимся, / Ангелом воспевающим, Ирод мятяшеся, / яко Бог во плоти явися, // Спас душ наших.

Царство Твое, Христе Бже, / Царство всех веков, / и Владычество Твое во всяком роде и роде, / воплотивыйся от Духа Святаго / и от Приснодевы Марии вочеловечивыйся, / свет нам возсия, Христе Бже, / Твое пришествие: / Свет от Света, Отчее сияние, / всю тварь просветил еси, / всякое дыхание хвалит Тя. / Образ славы Отчия, / Сый, и прежде Сый, // и возсиявый от Девы, Бже, помилуй нас.

Что Тебе принесем, Христе, / яко явился еси на земли / яко Человек нас ради? / Каждый бо от Тебе бывших тварей благодарение Тебе приносит: / ангели - пение; небеса - звезду; / волсви - дары; пастырие - чудо; / земля - вертеп; пустыня - ясли; / мы же - Матерь Деву. // Иже прежде век, Бже, помилуй нас.

Слава, и ныне, глас 6:

Слава в вышних Богу, / и на земли мир, / днесь восприемлет Вифлеем Седящаго присно со Отцем, / днесь Ангели Младенца рожденнаго боголепно славословят: / слава в вышних Богу, и на земли мир, // в человецех благоволение.

Прокімен Великий, глас 7:

Ктó Бóг вéлий, я́ко Бóг на́ш? / Ты еси́ Бóг, творя́й чудеса́.

На стихóвне, глас 8:

Пресла́вное та́инство устро́яется днесь, / обновля́ется естество́, и
Бóг Чело́век быва́ет, / е́же бé пребы́сть, и е́же не бé при́ят, //
ни сме́шения претерпе́в, ниже́ разделéния.

Сла́ва, и ны́не, глас то́йже:

В Вифле́ем стекóшася па́стырие, / и́стиннаго возвещáюще
Па́стыря, / седя́щаго на херувíмех и возлежа́щаго в я́слех
Младéнца // зра́к воспри́мша на́с ра́ди, Го́споди, сла́ва Тебе́.

Тропа́рь, глас 4:

Рождество́ Твое́, Христе́ Бóже наш, / возсия́ мíрови свéт ра́зума, /
в нём бо звезда́м служа́щи / звездо́ю уча́хуся / Тебе́ кла́няться,
Сóлнцу Пра́вды, / и Тебе́ вéдети с высоты́ Восто́ка. // Го́споди,
сла́ва Тебе́.